



PREZIDENT TOSHKENTDAGI INFRATUZILMA LOYIHALARINI KO‘ZDAN KECHIRDI

Prezident Shavkat Mirziyoyev 20-iyul kuni Toshkent shahridagi bunyodkorlik ishlari bilan tanishdi.

So‘nggi yillarda Toshkent city majmuasida ulkan inshootlar barpo etildi. Ayni paytda uning "Paxtakor" metro bekati tarafida yirik savdo markazi qurilmoqda.

Davlatimiz rahbari bu yerda bo‘lib, piyodalar va avtomobillar uchun yaratilgan sharoitlar bilan tanishdi. Kelgusida harakat yanada ko‘payishini inobatga olib, Botir Zokirov va Navoiy ko‘chalarini kesishmasida yo‘l o‘tkazgich qurish, piyodalar yo‘laklarini qulaylashtirish zarurligini ta’kidladi.

Prezident Shavkat Mirziyoyev poytaxtimizning Navoiy, Oybek, Nukus ko‘chalarini bo‘ylab yurib, yo‘llardagi sharoitlarni ko‘zdan kechirdi, odamlar bilan suhbatlashdi.

Transport infratuzilmasi bilan bog‘liq yana bir loyiha — Toshkent xalqaro aeroporti yonidagi ko‘priki. Avtomobillar qatnoviga qulaylikni oshirish maqsadida u kengaytirilib, qo‘shimcha estakada qurilmoqda. Uning uzunligi 650, eni 30 metr bo‘ladi. Aylanma shaklidagi chiqish-tushish yo‘llari qayrilib olish xavfini yo‘qotib, harakatni osonlashtiradi.

Prezidentimiz bu yerdagi qurilish jarayonini ko‘rdi, atrofini ko‘kalamzorlashtirish, manzarali daraxtlar ekish kerakligini aytdi.

Bugun poytaxtimizning Yashnobod tumanida ham bunyodkorlik jadal. Shu bois, yashil bog‘larni saqlab qolish juda muhim. Abdulla Qodiriy va Kichik halqa yo‘li orasidagi Elbek bog‘i ana shunday so‘lim maskanlardan. Davlatimiz rahbari bu bog‘ni asrash, aholining dam olishi uchun sharoitlarni kengaytirish bo‘yicha ko‘rsatmalar berdi.

Prezident Shavkat Mirziyoyev "Toshkent-Sharqiy" aeroporti qurilishini ham borib ko‘rdi.

Bu aeroportning umumiy maydoni 693 gektar. Loyihaga ko‘ra, unda 4 kilometr uzunlikdagi uchish-qo‘nish yo‘lagi, zamonaviy terminallar, samolyotlar uchun angar va perronlar bo‘ladi. Aeroporti noqulay ob-havo sharoitlarida ham uchish-qo‘nishni ta‘minlovchi ICAO III-A toifasidagi zamonaviy radiotexnika va meteorologiya asbob-uskunalarini bilan jihozlanadi.

Bugungi kunda uchish-qo‘nish yo‘lagi va yuqori martabali mehmonlar terminali binosi barpo etilgan. Prezident ularni ko‘zdan kechirdi. Galdagi qurilish ishlari moliyalashtirish, terminalning tashqi ko‘rinishi va delegatsiyalar uchun qulayliklarni qayta ko‘rib chiqish bo‘yicha topshiriqlar berdi.

O‘ZA

BUYUK O‘ZBEK YO‘LI

TARAQQIYOTNING SHIDDATLI YETTI YILI

iqtisodiy islohotlar rivojlanishning
yangi davrini boshlab beradi

Mamlakatimizda so‘nggi yillarda ishbarmonlik muhitini yaxshilash va tranzaksiya xarajatlarini kamaytirish bo‘yicha tizimli ishlar amalga oshirildi. Bu, asosan, soliq, bojxona va ma‘muriy yukni kamaytirish, eksport-import operatsiyalari tartibini soddalashtirish va turli ruxsatnomalarni olish, pul muomalasi tizimi va bank sektorini takomillashtirishda o‘z ifodasini topmoqda.

Shuningdek, normativ-huquqiy sohad qonunchilikning shaffofligi, o‘zaro muvofiqligi va samaradorligi, mulk daxlsizligini ta‘minlash va bitimlarni sud-huquqiy himoya qilishning takomillashtirilishi borasida keng ko‘lamli islohotlar amalga oshirildi. Bularning hayotdagi samarasini birgina makroiqtisodiy siyosat yo‘nalishida so‘nggi yetti yilda amalga oshirilgan islohotlarda yaqqol ko‘rishimiz mumkin.



Jumladan, jahon iqtisodiyotida kuzatilayotgan qiyinchiliklarga qaramasdan, ijtimoiy-iqtisodiy sohalmi erkinlashtirishga qaratilgan islohotlar natijasida mamlakat yalpi ichki mahsulotining o‘rtacha yillik o‘sishi 2017-2022-yillarda 5,1 foizni tashkil etdi.

Davomi 3-betda

YANGI O‘ZBEKISTON RUHI

XALQ XIZMATIDAGI DAVLAT

Tarixda shaxslarning o‘rni doimo yetakchi maqomida bo‘lgan. Zero, hokimiyatni amalga oshirayotgan yetakchining siyosati millionlab taqdirga belgilovchi ta‘sir ko‘rsatib keladi. Ayniqsa, tub o‘zgarishlar, jadal islohotlar sharoitida davlat ahamiyatiga ega qarorlarni qabul qiluvchi shaxsning siyosatdagi roli nihoyatda ortadi. Ayni paytda bu qarorlar ro‘yobi ko‘p ming sonli fuqarolar faolligini taqozo etishi shubhasiz. Demak, islohotlar muvaffaqiyati yetakchining boshqaruv san‘ati bilan bir qatorda oddiy fuqarolar sa‘y-harakatiga ham bog‘liq bo‘lib qoladi. Har holda demokratiya nazariyalarida shunday uqtiriladi.

Prezident Shavkat Mirziyoyevning yaqinda bo‘lib o‘tgan inauguratsiyasi marosimidagi o‘y-xayollar qo‘limga qalam tutqazdi. 2023-yil 14-iyul kuni mamlakatimiz o‘z tarixining yana bir yangi bosqichiga qadam qo‘ydi. Bu davrda hayotimiz yanada jo‘shqin,

islohotlarimiz yanada jadal tus oladi, deb xulosa qilishga barcha asoslar bor. Mazkur asos-dalillar Prezident lavozimiga kirishish marosimidagi nutqda baralla yangradi.

Davomi 4-betda

FESTIVAL

"DUNYO SADOLARI" DAN FAYZLI XONOBOD



2-betga qarang.

INSON HUQUQLARI UMUMJAHON DEKLARATSIYASINING 75 YILLIGIGA

HECH BIR BOLA E‘TIBORDAN CHETDA QOLMAYDI

bu tamoyil konstitutsiyaviy
asoslangan

1948-yil 10-dekabrda Inson huquqlari umumjahon deklaratsiyasi qabul qilinganidan so‘ng xalqaro hamjamiyat inson huquqlari va asosiy erkinliklariga ustuvor e‘tibor bera boshladi. Mazkur deklaratsiya matnida ilk bor barcha odamlar ega bo‘lgan huquqlarning global ta‘rifi bayon etildi. Ya‘ni ushbu hujjat har bir insonning shaxsiy daxlsizligi, mulk, e‘tiqod va so‘z erkinligi, fuqarolik, davlat boshqaruvida qatnashish, saylash va saylanish, oila, mehnat va dam olish, ta‘lim, tibbiy, ijtimoiy xizmatlardan foydalanish, madaniyat, san‘at asarlaridan bahra olish huquqlarini himoya qiladi.

Davomi 2-betda

NUQTAYI NAZAR

INSON KAPITALIGA YO‘NALTIRILGAN SARMOYA mamlakat istiqbolini belgilovchi omilga aylanmoqda

Texnologik jarayonlarning muntazam yangilanib borishi, innovatsion rivojlanish va intensiv iqtisodiy o‘shish omillarining tobora ortayotgani vaziyatga tezkor moslashadigan malakali kadrlarga talabni oshirmoqda. Shu bois, 2022-2026-yillarga mo‘ljallangan Yangi O‘zbekistonning taraqqiyot strategiyasiga asosan, ishlab chiqilgan yettita ustuvor yo‘nalishning to‘rtinchisi sifatida "adolatli ijtimoiy siyosat yuritish, inson kapitalini rivojlantirish" masalasi alohida o‘rin olgan.

Davomi 5-betda



YAQIN O‘TMISH YOG‘DULARI

Yuurt egasidan boshlangan adabiyot bayrami yoxud yosh ijodkorlarning Respublika Zomin seminari tashabbuskori kim edi?

Bir odam qazigan ariqdan ming odam suv ichadi. Bahor yomg‘iri sano-sanoqsiz mayzalarga mador kiritadi. Bulodan oqib tushgan jilg‘a irmoqqa, irmoqlar daryoga aylanadi. Daryolar dunyoni yashil liboslarga burkaydi. Baland uchgan burchuk nigohi tog‘ning cho‘qqisiga ham tushadi. Yoniq so‘z toshni kukunga, tafti gulni butaga, butani daraxtga aylantiradi...

Davomi 6-betda



